



CANTON SARAJEVO
Cantonal Civil Protection Administration
Operational Center

Broj: 04-40-1-315/21
Sarajevo, 12.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 11.11.2021. do 08:30 sati 12.11.2021. godine

Štaba civilne zaštite Kantona Sarajevo (u daljnjem tekstu: Štab) je u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11, 45/15 i 33/21), Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i drugim važećim propisima, kao i Odlukom Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, u izvještajnom periodu preduzeo slijedeće mjere i aktivnosti na otklanjanju i saniranju posljedica od poplava na ugroženom području:

- Štab je u cilju sprječavanja urušavanja pješačkog mosta na rijeci Željeznici između ulica Štab je u cilju sprječavanja urušavanja pješačkog mosta na rijeci Željeznici između ulica Mala aleja i Hrasnička cesta, angažovao Službu za zaštitu, spašavanje iz ruševina i raščišćavanje terena formiranu u okviru pravnog lica Bosman d.o.o. Sarajevo, čije je ljudstvo sa mehanizacijom u toku dana izvršilo postavljanje i uvezivanje mostovskih skela



oko stuba mosta, dizalica koja je osiguravala stub mosta je izmaknuta. U toku sutrašnjeg dana nastavit će se građevinski radovi na sanaciji stuba mosta koji se počeo urušavati.

- Služba za smještaj ugroženog i nastradalog stanovništva i snabdijevanje formirana u Crvenom križu Kantona Sarajevo u toku dana je ugroženom stanovništvu na području Općine Trnovo u MZ Delijaš, podijelila 15 pakete hrane, osam paketa sa higijenskim potrepštinama i 15 deka. Planirano je da navedena Služba sutra ujutro od Katarske humanitarne organizacije preuzme 250 paketa hrane, 150 paketa sa higijenskim potrepštinama i 200 paketa vode, koje će se dijeliti općinama na osnovu njihove iskazane potrebe.
- Ekipe Službe za epidemiologiju, mikrobiologiju i zaštitu i unapređenje životne sredine koja je formirana u Zavodu za javno zdravstvo Kantona Sarajevo, danas su bile angažovane na dezinskciji stambenih objekata koji su bili poplavljeni (dezinfikovali su sedam obajaka u MZ Otes, četiri obajeka u MZ Vreoce, 15 objekata u MZ Butmir). Danas su također, ekipe navedene Službe izvršili terenski obilazak lokalnih vodovoda na području općina Ilijaš i Trnovo kojim su prisustvovali predstavnici JKP Vodostan Ilijaš i JKP Trnovo.
Od pet lokalnih vodovoda na području Općine Ilijaš, dva su u funkciji (LV Dragoradi i LV Srednje), dok na preostala tri (LV Čevljanivići, LV Nišići i LV u MZ Kamenica-Crna Rijeka) vodosnabdjevanje je obustavljeno i potrošačima je obezbijeđen alternativni vid vodosnabdjevanja u vidu cisterne koja se puni iz gradskog vodovoda koji je pod kontrolom JKP Vodostan Ilijaš. Uzorci na području Općine Ilijaš su uzeti iz mreže lokalnih vodovoda koji su u funkciji. Uzorkovana su dva uzorka vode na mikrobiološke i dva uzorka na fizičko-hemijski parametre.
Uzorci na području Općine Trnovo uzorkovani su iz mreže lokalnih vodovoda u MZ Šabići. Uzorkovana su dva uzorka na mikrobiološke i dva na fizičko-hemijske parametre. Pored uzoraka koji su uzeti iz sistema gore navedenih lokalnih vodovoda, uzet je i uzorak iz sistema gradskog vodovoda iz zone izvorišta i rezervoara Jahorinska vrela. Uzet je jedan uzorak za analizu na mikrobiološke i jedan uzorak na fizičko-hemijske parametre.
- Svi navedeni uzorci su transportovani do laboratorija Zavoda na dalju analizu.
- Služba zaštite i spašavanja Kantona Sarajevo formirana u KJKP Vodovod i kanalizacija d.o.o. Sarajevo sa ljudstvom i mehanizacijom je u toku dana bila angažovana na sanaciji kolovoza i odvozu kabastog otpada na deponiju iz ul. Barska bb, odvozu kabastog otpada na deponiju iz ul. Sastavci i Spomenik, na crpanju vode iz objekta i septičkih jama u ul. Osik br. 724. i 726., te na mašinskom čišćenju i pročepljenju slivnika u ul. Trg Oteškog bataljona, Izeta Čomora i Ilirska.
- KJKP Rad je sa ljudstvom i mehanizacijom danas bio angažovano na:
 - prikupljanju i odvozu kabastog i drugog otpada na području općina Ilidža i Novi Grad (angažovana su bili jedan utovarivač, tri kamiona, jedan grejfer, dva MB kiperi i jedan rolokiper);
 - mašinskom čišćenju i pranju saobraćajnica na području Općine Ilidža u naseljima Pejton i Butmir sa jednom mašinskom čistilicom i četiri cisterne (mašinski su očišćenje saobraćajnice u ul. 12. Mart, Prve samostalne brigade, Bosanskih gazija, Josipa Slavenskog, Željeznička i Edhema Eke Džubura, Butmirska cesta – sporedne ulice koje su bile poplavljene Izeta Čomora, Gliše Jankovića, Nasihe Kapidžić-Hadžić, Mustafe Ice Voljevice, gazi Hasan paše).



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

- Pripadnici službe zaštite i spašavanja Općine Novo Sarajevo danas su bili angažovani na otklanjanju i saniranju posljedica od poplava na području MZ Butmir. Sutra će biti angažovani na području MZ Otes.

Općina Ilidža

Općinski štab civilne zaštite je u toku dana angažovao općinske organizovane snage zaštite i spašavanja na čišćenju, raščišćavanju i otklanjanju i saniranju posljedica na područjima koja su bila poplavljena. Nabavljene su vreće za pijesak koje se pune kao rezerva i vreno je ispumavanje vode iz individualnih stambenih objekata i postavljanej isušivača. Aktivirana je Komisija za procjenu šteta Općine Ilidža, koja je formirala tri stručne pod komisije koje će sutra u skladu sa propisanim procedurama raditi na procjeni šteta na ugroženim područjima po zaprimljenim zahtjevima od građana. Također, je urađena preliminarna procjena štete i u toku je izrada zahtjeva za pomoć za hitne intervencije prema Kantonalnoj i Federalnoj upravi civilne zaštite.

Općina Novi Grad

U toku jučerašnjeg dana u skladu sa Odlukom o proglašenju stanja prirodne nesreće na području Općine Novi Grad, na otklanjanju i saniranju posljedica od poplava bile su angažovane organizovane strukture civilne zaštite Općine Novi Grad i druge i druge općinske službe uprave i javna preduzeća, koje su sa ljudstvom, opremom i mehanizacijom radili na raščišćavanju i odvozu smeća na područjima koja su bila poplavljena, te dostavi isušivača i drugih potrepština stanovništvu na ugroženom području.

Ekipe Općinske službe civilne zaštite Novi Grad su na terenu, prate situaciju i preduzimati će neophodne mjere na pružanju pomoći stanovništvu na ugroženim područjima.

Općina Vogošća

U protekla 24 sata izvršen je obilazak ugroženog terena i konstatovano je da je stanje znatno bolje u odnosu na prethodni izvještaj. Rijeka Bosna se i dalje povlači na većini lokacija koja su bila poplavljena. Izvršen je obilazak klizišta „Mehtefčići“ zbog prijave građana o promjenama na terenu. Uvidom na licu mjesta utvrđeno je da je došlo do oštećenja lokalnog puta u dužini 30 metara. Odmah je kontaktiran izvođač radova na sanaciji klizišta Mehtefčići i planirano je da u toku današnjeg dana sa mašinama i ljudstvom izvrši sanaciju lokalnog puta.

Na osnovu stanja na terenu angažovane su strukture civilne zaštite Općine Vogošća na ispumpavanju preostale vode iz podruma. Veterinarska ambulanta Vogošća provodi mjere dezinfekcije, dezinfekcije i deratizacije na lokalitetima i objektima koji su bili poplavljani. Povjerenici civilne zaštite Vogošća i pripadnici Općinske organizacije Crvenog križa Vogošća jučer su podjelili pakete i čizme ugroženim građanima usljed poplava. Komisija za procjenu šteta radila je i tokom jučerašnjeg dana na terenu prema prijavama građana općine Vogošća koji su pretrpjeli štete usljed poplava. Tokom jučerašnjeg dana navedene aktivnosti obišla je i ekipa RTV Vogošća i uradila prilog kako bi građani bili upoznati o značaju tih aktivnosti i uticaju na javno mnjenje građanstva.

U protekla 24 sata primljen je veći broj poziva za pomoć i za procjenu šteta uzrokovanim poplavama. Sve je evidentirano i postupa se u skladu sa mogućnostima.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Općina Ilijaš

Na osnovu Odluke o proglašenju stanja prirodne i druge nesreće na području općine Ilijaš, broj 08/40-2443/21 dana 06.11.2021.god., a u cilju otklanjanja posljedica prirodne nesreće angažovana su slijedeća sredstva:

- (skip, buldozder, dva kamion), Niskogradnja Durmić d.o.o.
- (skip, kamion) Halilović d.o.o.
- (cisterna i pumpa) DVD Vogošća.

Na terenu mašine su radile na čišćenju nanosa, blata i smeća iz potoka u MZ Misoča. Sanacija propusta i postavljanje cjevi u MZ Srednje na potoku Stara željeznička pruga. Provode se preventivne radnje na klizištu u Ljubnicima, te odvodnji sa Apartmanskih naselja u Lješevu, Podlugovima, Mrakovu i Ribarićima.

Općina Trnovo

U skladu sa Odlukom o proglašenju stanja prirodne i druge nesreće poduzete su aktivnosti i mjere na otklanjanju posljedica poplava. U toku jučerašnjeg dana sanirano je klizište na lokalitetu Lisovići, ka i lokalni put u Barcama. U toku dana nastavit će se aktivnosti na otklanjanju i saniranju posljedica od poplava.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 11.11.2021. godine u 11:11 sati od građanina, da se u kući na adresi ulica Alije Prijepoljca br. 712., Općina Novi Grad nalazi više komada ručnih bombi;
- dana, 11.11.2021. godine u 16:00 sati od Službe civilne zaštite Novi Grad, da je u ulici Reljevska do br. 38. Općina Novi Grad pronađen jedan nepoznati NUS.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozirana ubojna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su pet manjih intervencija i to: dvije na gašenju zapaljenog smeća u kontejnerima, jednu na gašenju zapaljenog autobusa, jednu na gašenju zapaljenog automobila i jednu tehničku intervenciju (ispumpavanje vode iz podrumskih prostorija).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.



Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 3°C, vlažnost zraka 100%, barometarski pritisak 945,3 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1